

¡BOMBA!

Días en que todo duele,
ni con pastilla se evita;
hoy hay duelo por Paquita,
lágrimas por Tongolele



K'intsil

Martes 18 de febrero de 2025

CAMPECHE · YUCATÁN · QUINTANA ROO · AÑO 6 · NÚMERO 2420 · www.lajornadamaya.mx

Méxicoe' tu cha'aj u bin ka'atúul u ko'olelil ku chíikultik k'ex tuukul

Yolanda Yvonne Montes Farrintong, máax pata'ab u k'aaba' beey Tongolele, kiim jo'ljeak lunes.

Leti'e' síij tu kaajil Washington, Estados Unidos (1932), ba'ale' u meyajé' mu'uk'anchaj México, Tongolelee' ku chíimpol'ta'al beey juntúul máax jach k'a'anachaj ti' tahitianail yéetel afroantillanail óok'ot ich mexicoil lu'um.

Le bix u ye'esikubáaj yéetel bix tu kanaj péek yóok'ol escenarióe' tu ts'áaj u páajtalil u chíikpajal ti' cha'ano'ob je'el bix Nocturno de amor (1948), Han matado a Tongolele (1948) El rey del barrio (1950) yéetel Mátenme porque me muero (1951).

Tu jo'olój ya'abach ja'abo'obe', láayli' u chíikpajal televisión, beyxan ti' u balts'amil revista yéetel uláak' cha'ano'ob.

Beey ts'o'ok u kiimila', ku sa'atal juntúul ti' u ts'o'ok k'a'anan ko'olel ichil dorado k'iinilo'ob cha'an tu noj lu'umil México.

EIRINET GÓMEZ YÉETEL LJM / P 15 Y 16



▲ Le lunes máanika', u noj lu'umil Mexicoe' tu ts'o'ok ilaj ka'atúul nukuch ko'olel: Paquita la del Barrio yéetel Tongolele, ti' le yáaxo' 77 u ja'abil yéetel ti' le uláak'o' 93. Veracruzil xk'aaye' tu kanaj u k'ay u géneroil ranchero yéetel regional tumen u

k'aayo'obe' ku t'aan yóok'olal yaabilaj beyxan yaj óol, ka'alikil xbeet balts'am, síij tu lu'umil EU ba'ale' mu'uk'anchaj Méxicoe', chíimpol'ta'ab beey juntúul k'a'anan máak beetik noj cha'ano'ob. [Oochel'ob Ap yéetel IMDb](#)